

6. Iudex ergo cum sedebit,
Quidquid latet, apparebit,
Nil inultum remanebit.
7. Quid sum miser tunc dicturus,
Quem patronum rogaturus,
Quum vix iustus sit securus.
8. Rex tremendae maiestatis,
Qui salvandos salvas gratis,
Salva me, fons pietatis.
9. Recordare, Iesu pie,
Quod sum causa tuae viae:
Ne me perdas illa die.
10. Quaerens me sedisti lassus,
Redemisti crucem passus;
Tantus labor non sit casus.
11. Iuste iudex ultionis,
Donum fac remissionis
Ante diem rationis.
12. Ingemisco tanquam reus,
Culpa rubet vultus meus:
Supplici parce Deus.
13. Qui Mariam absolvisti
Et latronem exaudisti,
Mihi quoque spem dedisti.
14. Preces meae non sunt dignae,
Sed tu bonus fac benigne,
Ne perenni cremer igne.
15. Inter oves locum praesta
Et ab hoedis me sequestra
Statuens in parte dextra.
16. Confutatis maledictis
Flammis acribus addictis
Voca me cum benedictis.